

Namołwa němskich biskopow k swjatkownej akciji Renovabis 2023

Lube sotry a lubi bratřa,
džěłowe mocy z wukraja su za Němsku njesměrnje wažne. Bjez nich njebychu wulke džěle gospodarstwa a našeho wšědneho žiwjenja fungowali. Jara wjele pola nas skutkowacych migrantkow a migrantow pochadža ze srjedźneje a wuchodneje Europy.

Tohodla zhladuje lětuša swjatkowna akcija wuchodoeuropskeho pomocneho skutka Renovabis na temu „Migracija džěła z wuchodneje Europy“. Heso rěka: „Woni pobrachuja. Přeco. Něhdže.“ Jedna so wo ludži, kotřiž swoju domiznu wopušća, zo bychu wudawki za swoje žiwjenje w cuzbje zaslužili. Zředka so něchtó lochkomyslnje rozsudži migrěrować, zaleži to na nuzy zwjetša. Sćěhi su grawěrowace; přetož w svojich krajach, z kotrychž pochadžeja, zawostajeja žony a mužojo wulku džěru: Woni pobrachuja svojim swójbam a svojim wosadach, woni pobrachuja jako džěłowe mocy a jako wobydlerjo. Tule w Němskej pak husto nazhonjeja, zo su mało hódnoćeni. Mnozy ćerpja pod prekernymi poměrami přistajenja, někotři samo pod kriminelnymi počinanjami hač k wikowanju z ludźimi.

Hromadže z cyrkwju we wuchodnej Europje pomha Renovabis tutym ludžom w swojej domiznje perspektiwu wotewrěć – z kubłanjom a lepšimi móžnosćemi na džěło chodźić. Tak podpěruje Renovabis na přikład domjacu hladansku službu w Běłoruskej, powołanske treningi za zajatych młodostnych w Moldawskej republice abo projekty k regionalnemu wuwicu w Kosowje. Wutrobnje Was prosymy: Podpěrujće naležnosće pomocneho skutka z modlenjom a z wulkomyslnym darom při swjatkownej zběrce.

Drježdžany, 2. měrca 2023

Za Drježdžansko-Mišnjanske biskopstwo
+ Heinrich Timmerevers
Drježdžansko-Mišnjanski biskop

Tuta namołwa ma so njedzelu, 21. meje 2023, na wšěch Božich službach, tež na předwječornych, přednesć a so wosadam nimo toho tež po dalšich přihódnych pućach spřístupnić.